

# Ei faaineineraa i te Iupiri 1997


## Te tere o Tarapu na te ava no «Cap Horn»

### Te ôroà Noera i nià i te pahî

**Pour préparer le Bicentenaire de l'arrivée de l'Évangile en mars 1997,** nous continuons notre voyage avec le DUFF qui se dirigeait à la fin de l'année 1796 vers Tahiti avec à son bord les 18 missionnaires, après les deux escales faites aux îles du Cap Vert et à Rio de Janeiro. La poursuite du voyage, qui devait se faire par le passage du Cap Horn, a dû être modifiée, suite à de violentes tempêtes qui se sont abattues. La célébration de la fête de Noël pour les missionnaires et l'équipage du «DUFF» mérite aussi une petite attention, la petite communauté du «DUFF» célébrant cette fête en plein océan, avec les moyens du bord.

I roto i ta tatou veà no te avaè novema ra, ua ite tatou i te tere o te pahî ra Tarapu i na fenua no «Cap Vert» e no te fenua Pereteria, na vâhi i tapaehia e te pahî i muri aè i te faaruëraa i te mau ôtià moana no te fenua Peretane.

Tau mahana rii i muri aè to te pahî faaruëraa i te tuhaa no Rio de Janeiro, ua tupu maitai noa te tere, oia hoi te reva mea maitai, te miti, mea marû rii noa ia. Te reira rii ihoâ te mea e hinaarohia e te mau ihitaio atoà maori râ, te vai hauraa o te reva, e ia val maitai noa te tere. Areâ râ i te taio 3 no titema 1796, ua itehia te hoë tauira rahi no te reva, i te mea hoi, ua poopoo taue noa te miti ta te hoë matai puai i faatupu, te matai mea puai ia tei faahuiti i te ie o te pahî. Na roto i te taueüeraa rahi o te pahî, e rave rahi mau animara mai te puaatoro tei pohepohe haere na roto atoà hoi i te toëtô. Mea huru peàpeà teie parau, no te



mea, o te ïnai te reira a te mau ihitai e te mau mitionare i nià i te pahî. Te hoë pae rahi o te mau mitionare tei maïhia, na reira atoà te hoë pae o te mau ihitai. Taua tauiraa rahi no te reva, ua tupu ia i te taime e faaineine ai te pahî i te tomo na roto i te ava no «Cap Horn». La hiòhia, mai te mea ra, e matai puaahiohio tei tupu. I mua i taua huru uâna no te reva, ua faaoi te tapena «Wilson» e taui te âveià maori râ, elaha ia tere faahou na roto i te ava no «Cap Horn» no te puai atoà ihoâ o te ôpape, e rave râ te âveià no te ava no «Cap de Bonne Espérance», tau teteri noa (degré) i te pae âpatoà no te ava «Cap Horn», na reira atu ai i te tere i te pae âpatoà no te Fenua Auteraria, te fenua Niuterani tomo mai ai i roto i te moana Patitifa. Noa atu â ia teie âveià âpî tei ravehia, mea huru atea e te maoro, te mea faufaa râ, te oraraa hau ia o te mau taata i nià i te pahî. I te taiò mahana 5 no titema, ua rave â te mau mitionare i to ratou pureraa i nià te pahî mai tei matarohia. I roto i te mau mahana atoà no to ratou mau tere, i te mau taime ihoâ râ e mania ai te reva, e rave rahi mau manu o te haere e tîto i te mau âpa ei faaiteraa te vai ra te mau ià rarahi tei riro ei taime ravaairaa na te mau ihitai, ei taime faârearearea atoà na ratou.

I te taiò 24 no titema 1796, e mahana e faahaamanaò ai te hui-faaro i te parau no Noera, ua haamata te pahi ra o Tarapu i tomo na roto i te ava no «Cap de Bonne Espérance», e tere maitai noa i te

te pahî. Ia haamanaò aè tatou i teie nei mahana teie parau no Noera, tei nià hoi tatou i te fenua e te vai ra te mau mea atoà no te faatupuraa i to tatou mau hinaaro no te faahanahanaraa ia Noera, eaha paì ia te huru i nià i te hoë pahî, i nià i te moana rahi paruparu o teie nei ao. E haamanaò atoà aè ai tatou i te mau fifi tei farerei hia e te mau mitionare i roto i to ratou tere pororaa Evaneria a te Fatu i to tatou mau pae fenua, e nehenehe ia parauhia, e tuto teimaha mau ta ratou i rave a tahî, te faataaëraa te rahiraa o ratou, i to ratou mau fetii, to ratou mau utuafare, elaha no te hoë faahou i to ratou fenua, ua püpü pâpü râ ratou ia ratou iho i roto i te rima o te Fatu, e a piti, te faaòromaïraa i te tere roa mai Ronetona e tae mai i Tahiti, no te hoë maororaa hau atu e 6 âvâè i nià i te pahî, teie mau mea taatoâ no te iða anaè o te Fatu ia parare ia i roto i to ratou nunaa Mâohi nei. E ore anei e nehenehe ia tatou ia haamaitai i te Atua no teie mau tavini tei horoâ pâpü ia ratou no taua tuhaa ohipa ra o ta tatou e ineine nei i te faahanahana i te matahiti i muri nei na roto i tei ôroà lupiri, te 200 o te matahiti to te Evaneria âfâiraahia mai i ð tatou nei. Te tuu maira te reira ia tatou i roto i te hoë feruriraa i teie mahana. E no reira, no teie nei veà hopeâ no teie nei matahiti 1996, te hinaaro nei te Tomite âai e faatae i to na tapaò aroha ia outou e te feiâ taiò veà, mauruuru maitai no te tiaturiraa ta outou i faaite na roto i to outou raveraa e taiò tamauraa i ta tatou veà, ia riro teie veà ei mauhaa faaiteraa i te mau ohipa atoà i roto i te oraraa no te Etaretia e tae noa atu hoì te mau faaineineraa atoà e ravehia nei no teie ôroà rahi lupiri e fatata maira i mua ia tatou nei. E fanaò mai âi outou te püòira no ta tatou âai i te âvâè sepuare no te matahiti 1997.

Tiai noa atu ai i te reira, ia maitai outou i teie ôroà Noera e ta tatou mau faahanahanaraa i roto i te matahiti api 1997 ta tatou e tomo atu, matahiti no te lupiri tei niuhia i nià i te tumu parau, E AROHA TE ATUA !

Tauira Gaston